


Vita Beati P. Ignatii Loiolae Societatis Iesu fundatoris
 Romae : [s.n.], 1622
 [2], 80 h. de grab. ; 4º
 Es segunda edición
 Front. y h. de grab. son calc., y según Palau, 291831
 realizadas por Cornelio Galle a partir de dibujos de Rubens
 La obra se publicó de forma anónima, pero se sabe que los
 textos a pie de pág. son de los jesuitas Nicholas Lancicius,
 Filippo Rinaldi y Pedro Pazmany basados en la Vida de San
 Ignacio del también jesuita Pedro de Ribadeneyra

Gaia Ignacio de Loyola, Santo -- Biografías -- Grabados
 Iñazio Loiolakoa, Santua -- Biografiak -- Grabatuak

Imprimatze lekua Italia, Roma

KOKAPENA	SIGNATURA	EGOERA	OHARRAK
Euskal Altxorgunea	VR-959		An. ms. -- Enc. perg.

Lucis.



UR-959


2 ANTIPOISE FT

80 YAW. FT

YAW. 82 YAW. FT

RUBBIS

R. 115-528



MAIORIBUS EIVS NEC
SACRO
SACR
NEC
LI
MELLA
DESINE

MAIORIBUS EIVS NEC
SACRO
SACR
NEC
LI
MELLA
DESINE

IHS
VITA
BEATI PIGNATI
LOIOLAE
SOCIETATIS IESV
FUNDATORIS.
ROMA
M. DC. XXII.

IN IAPONE

QUADRAGINTA MARTYRES


IN FLORIDA

superior, licentia.



In omni opere dedit confes-
sionem Sancto, et ab extremis
terra adduxit fratres suos
munus Domino.
Ecc. 47. Isa. 66.

Dono di Monsig.^o Cianfro De Luca
di Trapani
Al Pre' Fedele Belli.




Mater Ignatium paritura pro sua in na-
talem Domini pietate, deferri se iubet in
stabulum; eumq; post septem filios postre-
mum in stabulo parit, an. salutis. 1491.



*Militiam sequutus Ignatius, ictu muralis
globi crure perforato à defensione arcis
Pampelonaë semianimis excutitur ut secu-
lari militia relicta, ad diuinam se transferat.*




*E cruris vulnere laboranti, mortiq; iam
proximo. S. Petrus in sui peruigilij nocte
per quietem apparet, ac sanitatem restituit.*



*In lecto decumbens, diu ad recreandum-
animum Christi domini vitam et exem-
pla Sanctorum euoluit, diuinarum virtutum
imitatione exardescens, ad Deum conuertitur.*



*Dum se inuocata diuinae Matris ope Deo
dicat noctu vigilantem Beatiss. Virgo eiusq;
in gremio puer Iesus illus tri in specie
aliquandiu visi suavissime recreant.*



*Dum se Deo iterum fusus in preces
feruentissime offert, magno repente
terræ motu concutitur domus.*



E domo & cognatione sua exit, rectaque
ad Virginis templum famulis redire-
iussis, in Montem Serratum contendit.



In itinere Maurum de virginitate Dei matris
impure detrahentem dubitat an ferro vleiscatur,
permissisq; equo habenis, ex eo quod iumentum ab
antecedentis Mauri vestigijs diuertit, diuinitus in-
terpretatur huiusmodi vltionem Deo cordi non esse.



*In eodem itinere, B. Virginis amore, atque
imitatione succensus voto se illi castitatis
obstringit; eiusdemq; castitatis, omni extincto
impuritatis sensu, perpetuum donum accipit.*



*Ves tibus pretiosis exutus, ac pauperi
donatis, sacco ac fune praecinctus
Christi domini paupertatem amplectitur.*



In Æde Montis Serrati tamquam novus
Christi eques noctem unam ante aram
Virginis excubat, humanæque arma-
militiæ e tholo suspendit.



*In solitudinem profectus, furente supra oran-
tis caput uarijs serpentum spectris daemone
intrepidus atq; inconnuens in precibus perseverat.*




*Minorescæ inter pauperum turbam viuit,
xenodochio inseruit, multos e vitiorum
coeno extrahit.*



*Horas quotidie septenas genibus nixus
in oratione persistit. Quotidie etiam ter
sepe quam acerrime flagellis caedit.*



*Quotidie aqua et pane contentus seuerè
ieiunat, imò ad euincendos scrupulos, quorum
angustijs a dæmone ad præcipitium vsque
instigabatur, septem dies sine vllò cibo
aut potu, nullo virium defectu transigit.*



*Dum apud templi dominicani limina Beatæ
Virgini laudes recitat, miram de sanctissimo
Trinitatis mysterio visionem, et lumina accipit.*

Eodem in templo dum missa sacra-
ficio interest in sacrificata hostia
Christum Deum oculis intuebur.





Sæpe Christus dominus, eiusq; Mater ei ad longum temporis spatium, contemplandos fruendosq; se exhibent; magnamq; eius animo inspirant in christiana fide, atq; in suscepta pietate constantiam.



In mentis raptu septem ipsos dies persistentem humaturi iam erant, nisi e tenuis sima cordis palpitazione vitæ indicium deprehendissent; a quo tandem raptu veluti a dulci somno, nomen IESV suaviter ingeminans soluitur.



*Magnam diuinarum humanarumqz.
rerum cognitionem diuinitus
infusam accipit.*



*Libellum exercitiorum spiritualium sin-
gulari afflatu Dei, haustaque e
caelo luce conscribit.*



*Navigaturus in Italiam sola DEI
fiducia pro viatico munitus emen-
dicatam pecuniam in litus abiicit.*



*Prope Patauium via noctis et tempo-
rum periculis anxium, apparens in-
aere Christus Dominus consolatur.*



*Venetijs dum noctu sub S. Marci portibus
iacet, M. Antonius Trevisanus nobilis Senator
hiscce verbis excitatus Tu delicate quidem cubas,
sed famulus interim meus humi sub dio est, ho-
minem sedulo quærit ac suscipit perhumaniter.*



*Nauta suis infensum vitijs in deser:
tam Insulam exposituri, subito vento re:
pelluntur, ac inuiti licet ad Cyprum uehant.*




*Hierosolymam nauiganti saepe Christus
dominus videndum se praebet, ac labo-
rum difficultates lenit.*



*Sacra Palestinae loca religiosissime perlustrat,
et ad montem Oliuetum Christi Domini
ascendentis uestigia diligentius con-
templaturus cum capitis periculo recurrit.*



Ex Oliveto revertens ab Armenio custode voce,
ac fuste terretur; dumq; ne solitarius ea loca per-
graret, ferociter in hospitium trahitur, inter ea con-
vicia, et contumelias Christum aspicit præeuntem.



*In Hispaniam rediturum a naui Veneta optime in-
structa Nauarchus excludit, respondetq; sanctitatem viri
extollentibus. Si sanctus est quid nauam petit, ac
mare sicco vestigio non calcât. Quare in aliam re-
lictam ac laceram admittitur: Sed hæc incolumis in His-
paniam appellit Veneta quamuis valida naufragiû facit.*



Pecuniam in summo Ferrariae Templo petentibus ab se pauperibus elargitur; cogiturq; eo die ofiatim pro se victum emendicare; quo observato a pauperibus, Sanctus palam conclamatur.



*Ab Hispanorum praesidio pro exploratore
habitus nudus per media castra raptatur.
quam ignominiam alacriter ferenti, species
oblata est Christi domini ad Herodem
a Pilato transmissi, atque illusi.*



Barcinone vt se ad animorum salutem instruat
prima Grammaticae elementa annos tres, et tri-
ginta natus addiscit; furente ac rumpente se
Daemone, qui importunis rerum caelestium gau-
dijs auocare alio eius animum frustra conatur.



*Ob res titutam in virginum coenobio
disciplinam ab impuris hominibus id indig:
ne ferentibus scruissime plagis afficitur.*



*Hominem ad suspendium desperatione coactum
precibus ad sensus eatenus reuocat, quoad
animum a scelere, Confessionis Sacramento purget.*



*Noctu fusus in preces, quatuor ferme cubitis
elatus a terra, collucente mirum in modum
facie, identidem, crebra inter suspiria inclamat.
O DOMINE SI TE HOMINES NOSSENT!*



*Compluti primum; postea Salmantice, calumnias
pro Christo, et carcerem passus, ex ipso etiam car-
cere animas lucratur, magnoq; spiritus feruore
succensus. Non tot, inquit, in hac vrbe sunt com-
pedes, quin plures ego Christi causa percupiam.*



*Quidam ei infensus imprecans sibi aliquando
flamas, quibus combustus expiraret, nisi
Ignatius ignem se iudice mereretur, eodem die
incendio domus suae deflagantis absumptus est.*



*Dum Lutetiae tamquam scholasticorum seductor
virgis in publica animaduersione cædendus
inducitur, cognita hominis innocentia Rector
ad eius pedes accidit, sanctum palam appellat,
infamiaeq; apparatus in gloriae scenam vertit.*



*Iuvenes ex Academia Parisiensi nouem
eligit, ac socios consilij sui des tinat.*



*Sicarius stricto illum ferro petens, audita
repente voce QVO TENDIS INFELIX?
territus a facinore desistit.*



In æde suburbana B Virginis ipse, ac socij certo se
voto obstringunt diuinam ubique gloriam, animarūq;
salutem in Hierosolymitana præsertim expeditione pro-
curandi, ac palmam inde martyrij sedulo conqui-
rendi, quod votum ibidem quotannis renouant.



*Ab impuris amoribus quempiam reuocaturus,
in summa hyeme, gelido se in stagno collo tenuis
immergit, ibique prætereuntem conspicatus,
voce, aspectuque terret, et conuertit.*



In Hispaniam valetudinis causa redeuntem
excitata sanctitatis viri fama armati primum
homines mox clemens omnia agmine composito
denum populus fere uniuersus ingenti gratu-
tatione suscipiunt.



*Æger Hispaniam repetens, animis ad virtutem
excolendis strenue in patria laborat; eiusq; in
campo concionantis vox (quod populi frequentiam
templa non caperent) ad trecentos passus auditur.*



*Comitali morbo laborantem sublatis in
coelum oculis, ac precibus extemplo sanat.*



*Multos sæpe Energumenos liberat
crucis signo.*




*Foeminam phtysi ad interitum pro=
perantem sanitati res tituit.*



*Arido, emortuoque foeminæ brachio
Ignatij lintea dum lauat, vita statim,
ac motus redit.*



*In Italiam reuersus Venetijs socios e Gallia
excipit, vnaq̄ cum illis sacerdotio initiatur. tam
coelesti voluptate perfuso Episcopo, vt non nisi
diuinum quid in nouis Sacerdotibus praesagiret.*



Ad Simonem Rodericum socium morti proximum octodecim milliarium itinere, feбри ipse laborans propere contendit, eumq; amplexu sanat.




*Et socijs vnus, cum tentatione iam victus ad
solitudinem pergeret, obiecto sibi armati, fer-
rumq; intentantis equitis spectro, ad Ignatium
remittitur, qui re tota per prophetiae spiritum
cognita, redeuntem, illis Domini verbis blande
excipit. Modicæ fidei quare dubitas ti!*



*Solitario homini. eius vitam tacite despicienti
apparet Dominus, ac viri sanctitatem aperit, do-
cetq; illum ad salutem plurimorum natum esse.*



*Non longe ab Vrbe templum desertum ingresso
inter orandum se Deus Pater ostendens illum fi-
lio suo crucem gestanti socium attribuit; filius
item placidissima illa verba pronuntians EGO VO-
BIS ROME PROPITIUS ERO illū recipit in socium
Vnde Ignatio lux oborta Societatis IESV nominanda.*




*Primum sacrum Romæ ad Domini præsepe
facit, cum se ad id post susceptum sacerdotium
duodeviginti mensium studio præparasset.*




In Casinati monte vt S. Benedictus Ger-
mani, sic ille animam Horij ferri in coelum
videt, ac postea in ipso massæ, cui astabat
ingressu ad ea verba et omnibus sanctis in
illuſtri sanctorum choro socium agnoscit.



Paulus III Pont. Max. Societatis Iesu institutum ab Ignatio oblatum postquam legisset, DIGITVS inquit, DEI EST HIC. societatemque confirmat anno salutis 1540.



*Franciscum Xaverium, qui Indiarum
Apostolus dictus est, divino instinctus
afflatu in Indias mittit.*



Generalis quamquam inuitus, diuq̄ repugnans,
eligitur; atque in cæde, quæ extra urbem-
visitur, Sancti Pauli quarto solemnî voto se,
ac societatem suam Romano Pontifici obstringit.



Ex lris B. X. auerij, ad Ignatium ex India scriptis
GRATIA ET CARITAS X. D. *Or.* Mi pater in X. viscerib' vnice
Te ego pater anime meæ, sumeq; mihi venerande positis humi ge-
nibus (sic. n. hanc tibi eptam scribo) suppliciter oro, vt mihi a
Deo impetres, vt dum viuam sanctissimæ voluntatis suæ mihi det
et plane agnoscendæ, et omnino exequendæ facultatem. Vale
Tuus minimus filius, longissimeq; exulans. FRANC. XAVERIUS. 59



*Sacramentorum, piarumq; concionum vsu Romæ
renouat, ac rationem pueris tradendi doctrine
christianæ rudimenta Romanis in templis,
ac plateis inducit.*



*Dum Romæ insimulatur, quod multorum
scelerum diuersis in Urbibus damnatus
fuisset, diuina prouidentia Romam simul
confluent omnes, qui illum alibi absoluerant,
ijdem eius innocentiae antea iudices; nunc testes.*




*Ad aedem S. Petri in monte aureo contendens,
rem sacram pro salute Codurij facturum, in medio
Sexti Ponte resistit continuo, coelumq; tantisper
intuitus, ac diuinitus de eius morte admonitus,
Redeamus, inquit, socius mortuus est.*



Publica Romæ pietatis opera instituit: coenobia mlie:
rum male nuptarum: virginum s. Catherinæ ad funas
rios puellarum SS. quatuor coronatorum: puerorū item
qui orbi parentibus per Urbem vagi mendicant: Cæcæcime:
norum: aliorumq; collegia magna oīum admiratione fructu:
163



Ignatij in Septemtrionis res apprime intenti studio, ac precibus Iulius III. Pont. Max. Collegium Germanicæ iuventutis non minori Ecclesiæ Romanæ ornamento, quam Germaniæ præsidio Romæ condit.



*Societatis Iesu constitutiones frequentibus
sanctissimæ Trinitatis apparitionibus, atque
illustrationibus, Beatissima item virginē sæ-
pe visa, atq; illas approbante conscribit* 65.



*Obstinatum Iudæum tribus hisce verbis
conuertit. MANE NOBISCVM ISAAC.*



*Sæpe noctu inter orandum, aut qui =
escendum à Dæmonibus verberatur.*



*Caeli aspectu mirifice captus vim lacrymarum
profundere, atq; exclamare solebat, HEU QUAM
SORDET TELLVS, CVM COELVM ASPICIO? cumq; præ
lacrymis oculos perderet, imperium in illas à Deo
impetrat; nouoq; dono donum lacrymarū moderatur.*



*Sacram hostiam Deo dum offert, supra
missam celebrantis caput, ingens emicare
flamma conspicitur.*



*Allatum e patria fasciculum litterarum,
redditumq; inter orandum, in proximum ignem
abijcit: curasq; sæculi importune interpellantes
vna cum litteris concremandas dedit.*



*Prophetiæ spū videt arcana animorum,
ac sæpe futura præsentit; inter alia
ægotanti prædicat, aspectu illum Virginis
fruiturum, dictisque consentit euentus.*



*Dæmonem serpentis facie collucentis
exhibentem se detegit, ac per contemptum
baculo abigit.*



*Sæpe B. Philippus Nerius illius faciem
insigni luce radiantem videt, illustri,
vt ipse dicebat, indicio sanctitatis.*



Alexandri Petronij morbo laborantis cu-
biculum aduentu suo, magno repente
fulgore collustrat: ægrum colloquio sanat;
ac sæpe alios inuisens itidem sanat.



Patres Collegij Lauretani, cum Lemurum
spectris infestarentur, ad eius preces
per litteras confugiunt; eiusque accepto
responso, ac publice perlecto, illico Dæ-
monum terroribus liberantur.



« Cuidam e Societate Romam venire
Colonia meditati, vt illius aspectu frue-
retur, vltro ipse apparet, seque Coloniae
videndum socio praebet.



Romæ sanctissime moritur, eodemque
puncto temporis beata eius anima, ingenti
splendore conspicua, Bononiæ a nobili,
sanctaq; foemina ferri in coelum afficitur.



*Puella Strumis iam diu laborans, cum
ad manus iacentis in pheretro deosculan-
das accedere præ turba non posset, frustulo
vestis arrepto, & ad collum alligato, illico
sanatur: folia passim, ac flores e pheretro
subducti, ægrorum multis saluti sunt. 78*



*Dum eius transferuntur sacra ossa,
lucentes stellæ in loculo visæ, ac
caelestis inibi concentus auditus.*



*Sollenni Catholicae Ecclesiae ritu, ac ceremonia
in Sanctorum numerum à GREGORIO XV.
Pont. Max. refertur. Die XII Martij Anno
M D C X X II*